

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» ----- 2017թ.

N-----Ա

ՈՐՈՇՈՒՄ

**ՄԻԼՎԱ ԿԱՊՈՒՏԻԿՅԱՆԻ ԵՎ ԱՐԱ ՇԻՐԱԶԻ
ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության **1999** թվականի օգոստոսի **31**-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2**-րդ կետը՝

Երևան քաղաքի ավագանին որոշում է.

Տալ համաձայնություն ՀԽՍՀ արվեստի վաստակավոր գործիչ, անվանի գրող, հրապարակախոս Սիլվա Կապուտիկյանի և ՀՀ ժողովրդական նկարիչ, քանդակագործ Արա Շիրազի հիշատակը հավերժացնող հուշատախտակը Ս. Կապուտիկյան փողոց հ. **1** հասցեում փակցնելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ – ՀԻՄՆԱՎՈՐՈՒՄ

«ՄԻԼՎԱ ԿԱՊՈՒՏԻԿՑԱՆԻ ԵՎ ԱՐԱ ՇԻՐԱԶԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՑԱԼ

ՀԻՍՆ արվեստի վաստակավոր գործիչ Սիլվա Կապուտիկյանը ծնվել է **1919թ.** հունվարի **20-**ին Երևանում: **1933թ.** «Պիոներ կանչ» թերթում լույս է տեսել նրա առաջին «Պատասխան Թումանյանին» բանաստեղծությունը: **1937թ.** ավարտել է Երևանի ցուցադրական (Ն.Աղբալյանի անվան) դպրոցը: **1941թ.** ավարտել է Երևանի պետական համալսարանի բանասիրական ֆակուլտետը: **1949-1950թթ.** սովորել է Մոսկվայի Մ. Գորկու անվան գրականության ինստիտուտում:

1941թ. եղել է Հայաստանի գրողների միության անդամ:

1945թ. լույս է տեսել «Օրերի հետ» բանաստեղծությունների առաջին ժողովածուն: **1952թ.** «Իմ հարազատները» բանաստեղծությունների ժողովածուի համար արժանացել է ԽՍՀՄ, իսկ **1988թ.**՝ ՀԻՍՆ Պետական մրցանակների: Նույն թվականին ստացել է նաև իտալական «Նոսիդիե» գրական մրցանակ:

Կյանքի վերջին տարիներին մեծ աշխատանք է կատարել հրապարակագրության ոլորտում՝ «Իմ ժամանակը», «Չեմ կարող լռել», «Վերջին զանգ»:

Սիլվա Կապուտիկյանը եղել է ԽՍՀՄ, Հայաստանի Հանրապետության, Աջարիայի Ինքնավար Հանրապետության պետական, Իսահակյանի անվան մրցանակների դափնեկիր:

1970թ. արժանացել է ՀԻՍՆ արվեստի վաստակավոր գործչի, **1980թ.**՝ Վրաստանի մշակույթի վաստակավոր աշխատողի, ապա՝ Երևանի պատվավոր քաղաքացու կոչումներին:

1998թ. Քեմբրիջի միջազգային աշխարհագրական ինստիտուտի կողմից ստացել է «Տարվա կին» տիտղոսը: Պարգևատրվել է բազմաթիվ մեդալներով ու շքանշաններով: Եղել է ԽՍՀՄ Գրողների միության նախագահության անդամ, սիյուռքի հետ մշակութային կապերի կոմիտեի նախագահության անդամ, ՀՀ ԳԱԱ ակադեմիկոս, «Աշխարհի ժողովուրդների հոգևոր միասնության», Բնության և հասարակության մասին գիտությունների միջազգային ակադեմիաների անդամ: Ընտրվել է ՀԻՍՆ Գերագույն խորհրդի պատգամավոր:

Սիլվա Կապուտիկյանը մահացել է **2006թ.** Երևանում, թաղված է Կոմիտասի անվան պանթեոնում: **2009թ.** նրա ապրած տանը բացվել է բանաստեղծուհու տուն-թանգարանը:

ՀՀ ժողովրդական նկարիչ, քանդակագործ Արա Շիրազը /Արամազդ Կարապետյան/ ծնվել է **1941թ.** հունիսի **8-**ին Երևանում: **1966թ.** ավարտել է Երևանի գեղարվեստաթատերական ինստիտուտը: Մասնակցել է բազմաթիվ ցուցահանդեսների Հայաստանում և արտերկրում: **1968թ.** եղել է Հայաստանի նկարիչների միության անդամ:

Նրա աշխատանքները ցուցադրվել են Մոսկվայում, Սանկտ Պետերբուրգում, Թբիլիսիում, Բեյրութում, Լոս Անջելեսում, Չիկագոյում, Մոնրեալում, Նյու Յորքում, Լոնդոնում, Փարիզում և այլուր: Արա Շիրազի գործերից են՝ «Պարույր Սևակ» (**1974թ.**), «Եղիշե Չարենց» (**1977թ.**), «Ալեքսանդր Մյասնիկյան» (**1980թ.**), «Հովհաննես Շիրազ» (**1989թ.**), «Տիգրան Պետրոսյան» (**1989թ.**), «Անդրանիկ Օզանյան» (**2002թ.**), «Վազգեն Առաջին» (**2008թ.**) քանդակները և այլն: Աշխատանքների մեծ մասը պահպանվում են Հայաստանի ժամանակակից արվեստի թանգարանում և Երևանի ազգային պատկերասրահում:

Արա Շիրազը եղել է ԽՍՀՄ նկարիչների միության քարտուղարության անդամ, **1987թ.** ընտրվել է Հայաստանի նկարիչների միության նախագահ:

1977թ. արժանացել է Հայաստանի վաստակավոր նկարչի կոչման, **1979թ.**՝ Հայաստանի Պետական մրցանակի՝ Երևանի «Դվին» հյուրանոցի զարդաքանդակների համար, **2009թ.**՝ Հայաստանի ժողովրդական նկարչի կոչման:

Արա Շիրազը մահացել է **2014թ.** Երևանում:

ՀԽՍՀ արվեստի վաստակավոր գործիչ, անվանի գրող, հրապարակախոս Սիլվա Կապուտիկյանի և ՀՀ ժողովրդական նկարիչ, քանդակագործ Արա Շիրազի հիշատակը հավերժացնող հուշատախտակը Ս. Կապուտիկյան փողոց հ. 1 հասցեում փակցնելու վերաբերյալ միջնորդություններ են ներկայացվել Սիլվա Կապուտիկյանի տուն-թանգարանի վարիչ Ա. Դեմիրճյանի և ՀՀ վաստակավոր ճարտարապետ Ա. Մխիթարյանի կողմից:

Հաշվի առնելով վերոգրյալը և հիմք ընդունելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N 551 որոշմամբ հաստատված կարգի 2-րդ կետը՝ Երևան քաղաքի ավագանու քննարկմանն է ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ՄԻԼՎԱ ԿԱՊՈՒՏԻԿՑԱՆԻ ԵՎ ԱՐԱ ՇԻՐԱԶԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ ԿԱՄ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Սիլվա Կապուտիկյանի և Արա Շիրազի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ Երևանի բյուջեում լրացումներ և/ կամ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

**«ՄԻԼՎԱ ԿԱՊՈՒՏԻԿՑԱՆԻ ԵՎ ԱՐԱ ՇԻՐԱԶԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ ԿԱՄ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Սիլվա Կապուտիկյանի և Արա Շիրազի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ այլ իրավական ակտերում լրացումներ և/ կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ